

PROGRAM JIWA MURNI TENTERA UDARA DI RAJA MALAYSIA DENGAN KERJASAMA DESTINI PRIMA SDN BHD DAN PERSATUAN NELAYAN KG ASAM JAWA, KUALA SELANGOR

airforce.mil.my/berita/acara-rasmi/2805-program-jiwa-murni-tentera-udara-di-raja-malaysia-dengan-kerjasama-destini-prima-sdn-bhd-dan-persatuan-nelayan-kg-asam-jawa-kuala-selangor

KUALA SELANGOR, 22 Disember 2017 - Satu Program Jiwa Murni bersepadu dengan kerjasama Tentera Udara Diraja Malaysia (TUDM), Destini Prima Sdn Bhd (DPSB) dan Persatuan Nelayan Kampung Asam Jawa, Kuala Selangor telah dilaksanakan dengan jayanya.

Program Jiwa Murni yang dilaksanakan ini merupakan rentetan kejadian kemalangan pesawat CN 235 milik TUDM yang terhempas berhampiran Kampung Asam Jawa pada 26 Februari 2016 yang lalu. Program ini diharapkan menjadi sebagai satu platform menjalinkan hubungan baik antara masyarakat setempat dengan TUDM. Ia juga sebagai menzahirkan tanda terima kasih kepada Persatuan Nelayan Kampung Asam Jawa yang turut bersama-sama membantu pihak TUDM melakukan kerja-kerja mengumpul dan membawa keluar struktur serta serpihan pesawat CN 235, sebelum dihantar ke Pangkalan TUDM Subang untuk tindakan lanjut.

Pengisian program ini adalah menumpukan kepada pembinaan dan membaikpulih jeti milik Persatuan Nelayan kampung Asam Jawa yang memerlukan penambahbaikan dari aspek infrastruktur dan keselesaan. Kerja-kerja pengubahsuaian dan penambaan telah dijalankan lebih kurang sebulan sebelum tarikh perasmian yang dilaksanakan pada hari ini.

Program Jiwa Murni pada hari ini diharapkan dapat menzahirkan rasa tanggungjawab sosial antara TUDM, Destini Prima Sdn Bhd kepada masyarakat Nelayan di Kampung Asam Jawa selain memacu teras Kebajikan yang merupakan antara enam elemen utama Teras Kementerian Pertahanan (MINDEF). Hadir bersama pada



perasmian ini adalah Panglima Tentera Udara, YBhg Jen Tan Sri Dato' Sri Hj Affendi bin Buang TUDM dan Group Managing Director Destini Prima Sdn. Bhd, Dato' Rozabil bin Dato' Abd Rahman serta Ketua Unit Pangkalan Sg Bukit Rotan Asam Jawa, Sulian bin Malik.

